



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-584

08/07/2020

ქ. თბილისი

საქართველოს საავტომობილო გზების დეპარტამენტის მიერ მცხეთის მუნიციპალიტეტში, სააგარაკე დასახლებაში (შიომღვიმის მონასტერთან მიმავალი გზის მიმდებარედ) მდ. მტკვრის ნაპირსამაგრი (ნაპირდაცვითი) სამუშაოების სკრინინგის გადაწყვეტილების შესახებ

საქართველოს საავტომობილო გზების დეპარტამენტის მიერ, გზმ-ის ჩატარების საჭიროების დადგენის მიზნით, საქართველოს გარემოს დაცვისა და სოფლის მეურნეობის სამინისტროში წარმოდგენილია მცხეთის მუნიციპალიტეტში, სააგარაკე დასახლებასთან, შიომღვიმის მონასტრისკენ მიმავალი გზის მიმდებარედ, ნაპირსამაგრი (ნაპირდაცვითი) სამუშაოების სკრინინგის განცხადება.

წარმოდგენილი დოკუმენტაციის თანახმად, საპროექტო უბნის კოორდინატებია: X-469777.003 Y-4632929.143; X-469866.348 Y-4632912.391. ეროზიული უბანი მდებარეობს მცხეთის მუნიციპალიტეტში, სააგარაკე დასახლებაში. საპროექტო სამუშაოები ითვალისწინებს მდინარე მტკვრის მარცხენა ნაპირზე 90 მეტრის სიგრძის ქვანაყარი ბერმის მოწყობას. უახლოესი საცხოვრებელი სახლი მდებარეობს საპროექტო ნაგებობიდან 52 მეტრზე. პროექტით გათვალისწინებული სამუშაოების ხანგრძლივობა შეადგენს 90 დღეს.

საპროექტო ნაგებობა გაანგარიშებულია 1% უზრუნველყოფის ხარჯის შესაბამისად. მდინარე მტკვრის კალაპოტის წარეცხვის საშუალო სიღრმე 4,87 მ-ის ტოლია, ხოლო ზოგადი გარეცხვის მაქსიმალური სიღრმე 7,8 მ-ის.

პროექტით გათვალისწინებული 90-მეტრიანი ბერმა ეწყობა 1,0 მეტრის დიამეტრის მქონე ლოდებისგან, რომელთა მოცულობითი წონა უნდა იყოს 2,6 ტ/მ³. ნაგებობის სადაწნეო ფერდობის დახრილობა შეადგენს 1,5 მეტრს, ხოლო თხემის სიგანე - 5,0 მეტრს. ნაგებობის 1 გრძ.მ-ზე გათვალისწინებულია საშუალოდ 25,6 მ³ მოცულობის საანგარიშო ლოდების ჩაყრა. ქვანაყარი ბერმა ეწყობა პიონერული მეთოდით.

სკრინინგის განცხადების თანახმად, ნარჩნების წარმოქმნის შემთხვევაში, საყოფაცხოვრებო ნარჩნების შეგროვება მოხდება შესაბამის კონტეინერებში და შემდეგ გატანილი იქნება ადგილობრივ ნაგავსაყრელზე. სამეურნეო-ფეკალური წყლები შეგროვდება საასენიზაციო ორმოში. სახიფათო ნარჩნების დროებითი დასაწყობება

მოხდება სამშენებლო მოედანზე ცალკე გამოყოფილ სათავსოში და სამუშაოების დასრულების შემდგომ გადაეცემა შესაბამისი ნებართვის მქონე კომპანიას.

პროექტის განხორციელების პროცესში მოსალოდნელია ჰაერის დაბინძურება სამშენებლო ტექნიკის გამოყენების შედეგად. სამუშაოების მიმდინარეობას გააკონტროლებს ზედამხედველი, რომელიც პასუხისმგებელი იქნება უსაფრთხოების ნორმების შესრულებაზე. გარემოზე უარყოფითი კუმულაციური ზემოქმედება არ არის მოსალოდნელი.

საპროექტო ტერიტორია არ მდებარეობს ჭარბტენიანი ტერიტორიების, დაცული ტერიტორიების, ტყით მჭიდროდ დაფარული ტერიტორიების, კულტურული და არქეოლოგიური ძეგლების სიახლოვეს.

წარმოდგენილი დოკუმენტაციის თანახმად, ნაგებობის განთავსების ადგილზე საპროექტო ზოლი არ მოიცავს ნიადაგურ საფარს. ქვანაყარის განთავსება იგეგმება ნიადაგის არმქონე ფერდობულ და კალაპოტის არეში, შესაბამისად, არ არსებობს ზემოქმედება ნიადაგოვან და მცენარეულ საფარზე და დაგეგმილი საქმიანობა ვერ მოახდენს მნიშვნელოვან უარყოფით ზემოქმედებას ვიზუალურ-ლანდშაფტურ მდგომარეობაზე.

„გარემოსდაცვითი შეფასების კოდექსის“ მე-7 მუხლის მე-5 ნაწილის შესაბამისად, სკრინინგის განცხადება განთავსდა სამინისტროს ოფიციალურ ვებგვერდზე და მცხეთის მუნიციპალიტეტის ადმინისტრაციული ერთეულის შენობის საინფორმაციო დაფაზე. საზოგადოების მხრიდან აღნიშნულ საქმიანობასთან დაკავშირებით წერილობითი შენიშვნები და მოსაზრებები არ ყოფილა წარმოდგენილი.

მდ. მტკვრის ნაპირდაცვითი სამუშაოების განხორციელება წარმოადგენს სოციალურ და გარემოსდაცვით ღონისძიებას, რომელიც უზრუნველყოფს სანაპირო ზოლის დაცვას ეროზიული ზემოქმედებისაგან. დაგეგმილი საქმიანობის, სპეციფიკის, ხანგრძლივობისა და მასშტაბის გათვალისწინებით, გარემოზე მნიშვნელოვანი ზემოქმედება მოსალოდნელი არ არის. წარმოდგენილი პროექტის განხორციელების შემდეგ გაუმჯობესდება საპროექტო მონაკვეთების არსებული მდგომარეობა.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსი“-ს მე-7 მუხლის მე-6 ნაწილის საფუძველზე,

ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, რომ საქართველოს საავტომობილო გზების დეპარტამენტის მიერ მცხეთის მუნიციპალიტეტში სააგარაკო დასახლებაში მდ. მტკვრის ნაპირსამაგრი (ნაპირდაცვითი) სამუშაოები არ დაექვემდებაროს გარემოზე ზემოქმედების შეფასებას;
2. საქართველოს საავტომობილო გზების დეპარტამენტი ვალდებულია საქართველოს კანონის „გარემოსდაცვითი შეფასების კოდექსის“ მე-7 მუხლის მე-8 ნაწილის

შესაბამისად უზრუნველყოს გარემოსდაცვითი ტექნიკური რეგლამენტებით დადგენილი მოთხოვნებისა და გარემოსდაცვითი ნორმების დაცვა;

3. ბრძანება დაუყოვნებლივ გაეგზავნოს საქართველოს საავტომობილო გზების დეპარტამენტს;
4. ბრძანება ძალაში შევიდეს საქართველოს საავტომობილო გზების დეპარტამენტის მიერ ამ ბრძანების გაცნობისთანავე;
5. სკრინინგის გადაწყვეტილების გაცემიდან 5 დღის ვადაში გადაწყვეტილება განთავსდეს სამინისტროს ოფიციალურ ვებგვერდზე და მცხეთის მუნიციპალიტეტის აღმასრულებელი და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში

ლევან დავითაშვილი



მინისტრი